

陳宗山撰

南洋華僑革

史略

國立暨
南大

南洋美洲文化事業部印行

南洋華僑革命史略目次

緒言

一 革命運動中之書報社

二 孫先生與南洋

三 華僑在革命中之實際工作

四 華僑中之烈士

五 革命聲中巨款之接濟

六 言論鼓吹之成績

七 僑黨中之主要人物

八 附錄

二

六

七

一三

一八

二四

二九

三四

三五

南洋華僑革命史略

緒言

革命之剏始，固有賴夫先覺，而革命之實現，則非一手一足之烈。蓋萃海內外無數志士仁人之血淚，乃有今日「行百里者半九十」之膚功也！

華僑之於革命，有極深切之關係，絕偉大之勞蹟，世人或能知之，或能言之。而知之稔，言之詳者，「吾見亦罕。」此固開國史上不可缺之一頁，而至今猶憾文獻之無徵。南洋文化部同人，猥以予居南中稍久，屬有所造述，以餉斯世。予逡巡未敢自信，且行

篋搜索殆偏，顧足資參攷者，幾於僅有而絕無。無米之炊，既無所措手足，况乎予固非「巧婦」乎？

迺者革命元勳，將歸骨鍾山之麓，華僑代表不遠萬里，來參葬儀。奉安禮成，賡以斯會，同僑教育前途之改善，正喁喁屬望於列席諸君子。予不佞不敏，既尸籌備之虛名，復參末議於廣坐，愧未能有所建白，不得不重違同人雅意，婉敘吾同僑贊襄革命之陳蹟，冀以藏已往而勵將來。亦使國內知之，庶或垂念吾僑，勿遐棄而不顧。區區微尚，端在於此，正不徒聊以塞責云爾也。

一 革命運動中之書報社

吾人試涉足于南洋各埠，輒見有所謂「某某書報社」者，

小埠必有其一，大埠或多至二、三。今之書報社，固多爲瀏覽書報而設，若溯其淵源，本爲當時革命運動而設也。清季以宣傳革命之書報，鼓吹極烈，流至海外，僑中明達之士，多受感動，民國紀元前三四年中，（自丁未迄于辛亥）黨中魁傑，先後南渡，糾合同志，各埠血性愛國之士，遂踴躍加盟。惟格於居留政府之禁令，未能公開，進行多阻，乃以書報社名義，對外號召，故凡書報社之成立於民國紀元以前者，皆革命之機關，支分部之變相也。當時徵集黨員，籌款接濟國內義軍，招納亡命志士，創辦報紙，廣播革命言論思想，莫不以此爲原動力之所自出。孫中山先生嘗蒞南洋，始至新加坡，轉至吉隆坡，最後至檳榔嶼，所至鼓吹革命，瘖口噤

音，不遺餘力。然各埠除極少數之先進同志外，蓋皆視同蛇蝎避之若浼。先生之來檳城，本以吉隆丘怡領之介紹，訪小蘭亭之某富豪。小蘭亭者，檳城最大之華僑俱樂部，嶼中巨商，皆爲會員，某富豪其一也，竟匿不見。會員中有吳世榮黃金慶者，愛國明大義，毅然出而款接，先生方免嘗閉門羹風味。而少數熱心人，頗樂聞先生言論，來相晤敘，先生離檳矣。黃廣延小蘭亭會友爲之祖餞，先生當筵起演說革命之旨，與宴者，率舌擡心悸，或不終席而引避。退而告人曰：「革命卽謀逆，更非比康之保皇，事發，吾曹國內三族赤矣。甯可嘗試乎！」二十年前多數僑民心理之一斑，先生倡導初期之艱屯，少數同志樂與先生周旋者之難能而可貴，皆

可於此一段軼聞中，窺見當時情狀，正不獨檳城一地爲然，而幾于萬方一概矣。

後黃克強、胡漢民、汪精衛、李竹癡相繼至檳，於平章會館大會僑民，演說革命。有起而禁阻發言者，謂會館爲閩粵僑衆公共機關，不容此種無君之說，同志憤與爭辯乃已。會館某董事自此修訂章程，拒絕以後借座講演革命。後各同志另覓三山公所租戲院，請汪精衛演說，汪之言論精警剴切，致足動人。每一演講，題旨各別，標新領異，殊途同歸。聽者咸爲所感，附和浸衆，聲氣漸廣。覺有組織團體之必要，卽由吳世榮、黃金慶、丘明昶、陳新政等廿餘人，發起組織檳城閱書報社。英屬各埠先後成立者，其情形大

致相同，而以新加坡爲南洋同盟會支部之總機關。（荷屬以拒絕孫先生登岸，未能親往）其他各屬，亦莫不有同樣之組織。此海外黨務發展開始之大略也。

二 孫先生與南洋

✓ 紀元前二年，庚戌（宣統二年）廣州新軍之役，倪映典殉難。孫先生正自美東行至三藩市，聞敗耗，由檀島過日本登陸，日警偵悉，不許逗留。先生乃由橫濱逕渡檳榔嶼，約趙聲、黃興、胡漢民等來會，遂以檳城爲總機關。先生偕盧夫人（哲生生母）、陳如夫人（名瑞英）及二女僑居檳市四坎店寓所，謀久住，圖大舉焉。適有清芳閣俱樂部二三會友，請先生演說，歷敘最近革命

運動之情狀，有丘哲卿者，遽以演詞刊諸素反對革命之檳城新報，且譯載西報，益以林某之告密，英政府勒令先生出境。至是東亞各邦，凡日本安南暹羅英荷各屬，皆不容先生駐足，先生祇得留眷屬於檳，同志共任贍養，而隻身再往歐美。比武漢起義，先生由美赴英倫，向英政府要求取消英屬放逐令。始由英而法，歸國途中，道出檳榔嶼，登岸與其家人重晤。先生在南洋革命運動之經過，其犖犖大者如此。

三 華僑在革命中之實際工作

自東京同盟會正式成立，而革命潮流風發泉湧。歷次起義，發難地點，率注其目標于廣東。民國紀元前四年，孫中山先生親

率黃克強等，並法國軍官與安南同志百數十人襲取鎮南關，占領二要塞，握據三砲台，與龍濟光陸榮廷等數千衆，連戰三晝夜，退入安南。先生過諒山，爲諜偵知，清廷據以詰法政府，遂被逐出安南。而至星洲，此爲華僑參加實際的革命工作之第一聲，亦卽孫先生領導南洋華僑努力革命之嚆矢。

是役舉事之先，籌款於南洋，既失敗，旋聞黃明堂率百數十人襲取河口。時孫先生偕汪精衛、胡漢民、黃龍生等咸蒞檳城，謀於同志，又籌匯數千金，俄敗報再至，明堂率五百餘人退安南，法政府遣送新加坡，英總督拒其入境，法領事與交涉，始上陸。僑中同志，以黨軍初來海外，觀聽所繫，亟購衣送艦上，令一律易服，乃

登岸巡行通衢一周，僑衆聳然，咸知有革命軍矣。後恐其無以爲生，介往石山傭工，數百人咸得其所，於是知僑中同志義俠，能共患難，濟人之急也。

又汪精衛之來檳，挹其丰采，誦其言論者，莫不心儀之。陳璧君女士，檳產也。方在笄年，讀汪所作文，卽服膺革命主義。女士之母衛太夫人月朗，及其庶母歐女士聘珍，巾幗而有丈夫氣，母女俱列黨籍。璧君旋游學日本，汪自仰光進行黨務畢，亦再赴日維持民報，嗣見黨多內訌，國事日非，憤而與黃復生喻培倫謀入京炸攝政載灃，顧賞無所出。璧君則走檳城，密商于母，衛歐兩夫人慨然各斥珠寶鑽石金飾等變價得二萬數千金，以畀璧君。璧君卽

與汪黃俞等入京設守真影相館，製運彈藥，咸取給焉。事洩，汪黃逮繫獄中，培倫璧君先離京獲免。方將發難，精衛感璧君誠，又自謂必死，則慷慨訂婚約，期以來生證夙緣。辛亥精衛出獄，乃就婚於檳海，內外知其事者，莫不艷稱之。

✓ 廣州新軍敗後，亡命南渡者衆，招待安插，已甚竭蹶。趙黃胡等既來檳，與孫先生相對黯然，謂此後自身生活，且成問題。遑論國事。惟先生意氣自若，慰勉有加，并謀再接再勵之計。趙聲謂：「若欲再舉，必亟遣人攜數千元歸國接濟留粵同志，庶免星散。吾等亦須遄回香港，整備一切。即此非刻日籌得川資五千元不可。如機有可圖，更非數十萬不辦。」趙聲乃馳函約各埠同志，大會

于檳城書報社。列席者孫趙黃胡外，有孫眉及檳城黨員吳世榮、黃金慶、陳新政、熊玉珊、林世安等。怡保代表李孝章、芙蓉代表鄧澤如等，咸蒞。先生慷慨而言曰：『前此屢起屢仆，耗損無數之金錢，犧牲無數之同志，然革命本艱巨之業，要當赴以百折不撓之精神，現國內革命運動，事機已熟，時勢又迫，破釜沉舟，在茲一舉。予深知南洋同志，爲黨國犧牲甚大，亦頗困窮，然國民天職，無可旁貸，捨我同志，尙復求助于誰？望極力爲最後之贊助，以辭最後之成功！萬一無成，予亦無面目再見諸同志，當遁跡入山，不再累諸同志矣。』在座咸爲動容，於是公決舉義於廣州，擬籌款十萬元，英荷屬各五萬，暹羅安南三萬，美洲未計，同志卽席爭先署捐。

立得八千餘元，各由餘黨員分投募集。至大舉計畫，除以新軍爲主外，特糾合同志五百人爲先鋒，資以領導發難，蓋傾全黨之人，才經濟以圖一擊，胥於此會議中決之。時庚戌年十月十二也。

✓ 會議既決，孫先生方欲遍歷各地勸募，而遽被迫出境，乃以籌款事委諸胡漢民等。於是鄧澤如、李孝章、陸秋露諸人竭力四出勸募，僅得萬元，距定額甚遠。黃興自仰光來，知之，意甚沮喪。澤如遂偕黃等至芙蓉，重會諸同志，呼將伯，聲淚俱下。於是鄭螺生、李源水、李貴子、黃怡益均認千元；譚德棟已捐千元，至是復毀家變產，捐五千元。各同志聞風感動，奮發奔馳，四出未幾，足額。黃興乃返港，漢民往西貢暹羅，旋亦歸港，荷屬派謝良牧往募，八打威

書報社諸同志與之協力；暹羅則蕭佛成主之；北美各埠，以孫先生之手函陳耀垣馮自由等之勸募所得最多。綜計此役所收實數，計荷屬三萬二千五百五十元，英屬四萬七千六百六十三元，美洲七萬七千元共十五萬七千餘元，暹羅安南約三萬餘元，合計十八萬七千餘元。趙聲黃興等藉此圖粵，乃有辛亥三月廿九廣州之役，殉國者七十二烈，震爍中外，其定策籌款，原動力原皆發自南洋，固可分革命史上光榮之一頁矣。

四 華僑中之烈士

世徒知僑民於革命中惟一之貢獻爲金錢，而不知其中幾多烈士，奮不顧身，以頸血殉主義，成轟轟烈烈之壯舉者，固大有

人在也！

烈士温生財者，嘉應州（今梅縣）丙村人，年少壯，南渡至吉隆坡，爲勞工。聞孫先生在吉隆時之革命演說，拳拳服膺，加入黨籍。聞李準害黨人多，誓殺之，自南洋歸廣州，絕不謀於同志。三月初，清大吏偕往燕塘視演飛機，温伺于東門外諮議局對面之茶店。日將暮，見有喝道而來，軍隊前呼後擁，以爲李準轎至，温攀轎突出手槍，一擊而軍隊皆逃，轎伏委轎而去，温持槍連向轎三發！始知死者爲滿將軍孚琦。街警尾追温拘之，清吏刑訊，侃侃談主義，謂與將軍無私仇，亦無主使與同謀者，十七日就義於孚琦死處。此華僑殉國之第一人也。

X

辛亥廣州一役，七十二烈士中，來自南洋者，計陳文褒、羅仲霍、李雁南、李晚、郭繼枚、余東雄、黃鳴鶴、杜鳳書、周華等。文褒大埔人，嘗經商南洋，面斥清所遣南洋專使楊士琦於客座。羅仲霍惠陽人，曾任吉隆尊孔學校、荷屬火水山中華學校教職。李雁南開平人，爲三合會會員。李晚雲浮人，吉隆中國青年會會員。郭繼枚增城人，怡保育才學生。東雄佛山人，吡叻巨商之子。郭年十九，余年十八，於七十二烈中齒爲最稚。黃鶴鳴、杜鳳書俱南海人，新加坡機器工友，周華亦南海人，檳城總機關書記也。羅仲霍、李雁南、攻督署敗退被執，就義。餘七人均力戰陣亡。其名不列於七十二烈士，而被捕就義者，有韋雲卿，供詞稱一廣西南甯人，曾往暹羅。